

## ያይቆቢ ግፊዳ ኪታ ጋላ ቆፋ

ያይቆባ ኪታይ፥ አማኒያ አሲ ጋላስ ጋላስ ባ ዴዑዋ ካሌሲያ ቆፋታ አይኪስ። ሃ ኪታይ ግፊቲዳይ፥ ቢታ ኡባን ላሌቲዳ ታማኔ ናምዑ አይሁዴ ዜሬላሳ። ሃ ማፃፋ ግፊይ፥ ጨንጫቴሲ ኑኒ አሶን ፔሺያ ሂላ፥ አማኒያ አሳ ሞኮባኔ ሎዖ ካንዶስ ኦኔ ቤሲያ አዳታ ሚሲሌዳ ቆንጨሴስ።

ያይቆባ ኪታይ፥ ማንቆቴላባ፥ ዱሬቴላባ፥ ፓጩባ፥ ሎዖ ካንዶባ፥ ቃናቴባ፥ አማኖባ፥ ሎዖ አሶባ፥ ኢንፃርሳ ሃሮባ፥ ጨንጫቴላባ፥ ኢሶይ ኢሱዋራ አሻባ፥ አቶሮባ፥ አሽኪቴላባ፥ ሃራ አሳ ቦላ ፒርዳባ፥ ጨቁቴላባ፥ ጌንጫባ፥ ዎሳባኔ አማኒያ አሲ አሳናው ቤሲያባ ኡባ ቆሪዲ ግፊስ።

ያይቆባ ኪታይ፥ አማኖ ዴዖን አማኖይ አሶን ፔዲያ ሃኖታታ ቆንጨሲዲ ቤሴስ።

ያይቆባ ኪታ አይፌ ቆፋታ

ሳሮሶ 1:1

አማኖኔ ጨንጫቴሲ 1:2-8

ማንቆቴሲኔ ዱሬቴሲ 1:9-11

ፓጩ 1:12-18

ዎሳ ቃላ ሲሲኔ አሶን ፔሻ 1:19-27

አሴ አሳፔ ዱማዮ ኮሾናይሳ 2:1-13

አማኖኔ አሶ 2:14-26

ኢንፃርሲ ሃሮባ 3:1-18

አማኒያ አሲኔ ሃ አላሚያ 4:1-5:6

ዱማ ዱማ ዞሬታ 5:7-20

<sup>1</sup> ዎሳኔ ጎዳ ዩሱስ ኪሪስቶሳ አይሌይ፥ ያይቆቢ፥ ቢታ ኡባን ላሌቲዳ ታማኔ ናምዑ ሼሻታስ ኪቲዳ ኪታ።

ሳሮ፥ አይ ሜላ ዴዔቲ?

አማኖኔ ጨንጫቴሲ

<sup>2</sup> ታ ኢሻቶ፥ ሂንቴና ዱማ ዱማ ፓጩይ ጋኪያ ዎዴ ሂንቴ ሎዖባ ዴሚዳዳ ኩሜላ ኡፋይሳን ኤኪቴ። <sup>3</sup> ሂንቴ አማኑዋ ፓጩቴላይ ዳንዳዳ ሂንቴው ኢሜይሳ ኤሬታ። <sup>4</sup> ሂንቴ ወርሴሲ ጋካናው ዳንዳዲኮ አይቢ ፓጩይ ባይና ፖሎኔ ኩሜሲ ጊዴታ።

1:1 ማቶ 13:55፤ ማር 6:3፤ ሃ.አ 15:13፤ ጋላ 1:19

5 ሂንቴፌ አደስካ ጨንጫቴሲ ዳዩኮ ያሳ ዎሶ። ኢያው ኢሜታና። ያሳይ እናካ ቦሮና ኡባስ ኬሃቴላን ኢሚያ ዎሴ። 6 ሺን ኢ ዎሲያ ዎዴ ሲዶና አማኖን ያሳ ዎሶ። ሲዲያ እኒካ ጫርኮይ ሱጊን ቃሂያ አባ ዙሌ ሜላ። 7-8 ናምዑ ቆሬ ዴዔይኔ ባ አጊያን ኤቆና እኒካ ንዳፔ አይኮካ ዴማና ጊዲ ቆፖሮ።

**ማንቆ አሳኔ ዱሬ አሳ**

9 አማኒያ ማንቆ አሳቴ፣ ያሳይ ኤንታና ዶቁ አሲያ ዎዴ ኡፋይቶ። 10 ቃሲ አማኒያ ዱሬ አሳቴ ያሳይ ኤንታና ዘቂ አሲያ ዎዴ ኡፋይቶ። ዱሬ አሳቴ ጨሻዳ ዳያና። 11 አዎይ ባ ሚሻራ ኬዩዲ ማታ ሜሊሲን፣ ጨሻይ ቆሌቴስ፤ ኢያ ሎዎቴላይካ ዳዩስ። ሄሳዳካ፣ ዱሬ አሳቴ ባንታ አሱዋን ዳቡሪሼ ዳያና።

**አሴ ጋኪያ ፓጩያ**

12 ሜቱዋ ያኒዲ አዲዳፔ ጉዩ፣ ያሳይ ባና ሲቄይሳታስ ኢማና ጊዲ ቃላ ጌሊዳ ዴዎ ካላቻ ኤካና ጊሾ ሜቶን ጌንጨያ አሲ አንጄቴዳይሳ። 13 እኒካ ፓጩቴያ ዎዴ «ታና ያሳይ ፓጩስ» ንፖ። ያሳይ ኢታን ፓጩቴና፣ ቃሲ ኢ እናካ ፓጩና። 14 ሺን ኢሲ ኢሲ አሲ ባ ኢታ አሙዋን ንሹቴያ ዎዴኔ ጨሜቴያ ዎዴ ፓጩቴስ። 15 ሄሳፌ ጉዩ፣ አሞቴሲ ቃንሳቴዲ ናጋራ ዩሌስ፤ ቃሲ ናጋሪ ዲጨዲ ሃይቆ ዩሌስ።

16 ታ ሲቆ ኢሻቶ፣ ጨሜቶሬቴ። 17 ሎዎ ኢሞይኔ ኩሜላ አንጆ ኡባይ ሳሎፔኔ ሳሎዋ ፖዑዋ ሜዲዳ ያሳ አዋፔ ዩስ። ያሳይ ኩያዳ ኡባ ዎዴ ላሜቴና። 18 ኑኒ፣ ኢያ ሜዴቴላስ ኮይሮ ጊዳና ሜላ ኑና ቴማ ቃላን ባ ሽኔን ዩሊስ።

**ሲሲኔ አሶ**

19 ታ ሲቆ ኢሻቶ፣ ሃይሳ አኬኪቴ። አሲ ኡባይ ሲዓናው ኤሌሶ፣ ሺን አዴታናውኔ ሃንቄታናው ኤሌሶ። 20 አሳ ሃንቆይ ያሳይ ኮያ ዊሎቴላ ኤሄና። 21 ሄሳ ጊሾ፣ ቱና ሃኖታኔ ኢታቴላ ኡባ ዲጊዲ፣ ያሳይ ሂንቴ ዎዛናን ቶኪዳ ሂንቴ ሽምፑዋ አሻናው ዳንዳዲያ ቃላ አዳቴላን ኤኪቴ።

22 ሺን ያሳ ቃላ አሶን ፔሺቴፔ አቴን ሲሳ ዓላላን ሂንቴና ጨሞሬቴ። 23 ቃላ ሲዲዲ አሶና አሲ፣ ኢ ባ ሶምዑዋ ማስቶቴን ቤዲያ አሳ ሜላ። 24 ኢ ባ ሶምዑዋ ቤዲዲ ቤስ፣ ሺን ኢ አይ ዳኒያኮ ኤሌሲ ዶጌስ። 25 ሺን እኒካ አይሌቴላፌ ኬሲያ ፖሎ ሂጊያ አኬካን ቤዲዲ፣ ካሊዲ ናጌይ፣ ሲዲዳይሳ ዶንና አሶን ፔሺያ ኡራይ፣ ባ አሶ ኡባን አንጄታና።

26 ባ ኢገገርሳ ናጎና አማናይስ ጊያ ኡራይ ባና ጨሜስ፤ ኢያ አማኖይ ሃዳ። 27 ያሳ አዋ ሲንሳን ቦሬይ ባይና ጌሻ አማኖይ ሃይሳ፡ አያ አዉ ባይና ናይታኔ አምዔታ ማዶኔ አላሚያ ቱናፕ ባና ናጎ።

## 2

### አሴ ሻኮፋ

1 ታ ኢሻቶ፥ ሂንቴ ኑ ቦንቾ ጎዳ ዩሱስ ኪሪስቶሳ አማኒያባ ጊዲኮ፥ አሳ ሶምዖ ዌሊዲ አሴ ቦንቾሬቴ። 2 ሌሚሶስ፥ ዎርቃ ሚጊዶ አሲዲ፥ ሎዖ ማዖ ማዲዳ ዱሬ አሲ ሂንቴ ሺቁዋ ዩስ። ቃሲ ጩርቃ ማዖ ማዲዳ ማንቆ አሲካ ዩስ። 3 ሎዖ ማዖ ማዲዳ አዲያ ሂንቴ አሲ ቦንቹዲ፥ «ኔ ሃይሳን ሎዲያ አይዲያን ኡታ» ጊዲ፥ ቃሲ ማንቆ አዲያ፥ «ኔ ያን ኡቃ ዎይኮ ሃይሳን ታ ቶሁዋ ማታን ሳዓን ኡታ» ጌታ። 4 ያቲን፥ ሂንቴ፥ ሂንቴ ጊዶን ሻኬቴሲ ሜዴይሳታኔ ኢታ ቆፋራ ዴዲያ ዳይናታ ሜላ ጊዴኬቴዩ?

5 ታ ሲቆ ኢሻቶ፥ ሲዲቴ፥ አማኖን ዱሬ ጊዳና ሜላኔ ባና ሲቆይሳታስ ኢማና ጊዳ ሳሎ ካዎቴሳ ላታና ሜላ ሃ ሳዓን ዴዲያ ማንቆታ ያሳይ ዶሪቤኔዩ? 6 ሺን ሂንቴ ማንቆታ ቶቼታ፥ ሂንቴና ኡንዔሴይሳቲ ዱሬታ ጊዶኮናዩ? ሂንቴና ዳይና ሲንሲ ጎቼይሳቲ ኡንታ ጊዶኮናዩ? 7 ሂንቴ ዌጌቲዳ ሎዖ ጎዳ ሱንሳ ጫዬይሳቲ ኡንታ ጊዶኮናዩ?

8 ሺን ጌሻ ማፃፋን፥ «አሴ ኡባ ኔና ኔ ዶሴይሳዳ ዶሳ» ጌቴቲዲ ፃፌቲዳ ያሳ ካዎቴሳ ሂጊያ ሂንቴ ፖሊኮ ሎዖ አሴታ። 9 ሺን ሂንቴ አሳ ሶምዖ ዌሊዲ ቦንቹኮ፥ ናጋራ አሴታ ቃሲ ሂጊይ ሂንቴና ሂጊ ሜንሲዳ አሳዳ ፐርዳና። 10 አኒካ ሂጊ ኡባሬ ኢሱዋ ሜንሲዲ፥ አቲዳ ኡባ ናጊኮ ኡባ ሜንሲዳዳ ታይቤቴስ። 11 «ላሞፋ» ጊዳ ጎዳይ፥ ቃሲ «ዎዶፓ» ጊስ። ሺን ኔኒ ላሞና አጋዳ ዎዲዳባ ጊዲኮ፥ ሂጊያ ሜንሳዳሳ። 12 አይሌቴሳፌ ኬሲያ ሂጊያ ሲንሳን ፐርዳ ኤካናው ዴዲያ አሳዳ አዴቴቴኔ አሲቴ። 13 አሴ ማርና አናካ ያሳይ ማርና ፐርዳና። ሺን ማርቴሳይ ፐርዳ ያኔስ።

### አማኖኔ አሶ

14 ታ ኢሻቶ፥ ሂንቴፌ ኢሲ አሲ ታው አማኖይ ዴዔስ ጊዲ፥ ባ አማኑዋ አሶን ቤሶና ኢዲኮ ኢያ አይ ማዳኔ? ኢያ አማኖይ ኢያ አሻናው ዳንዳዲ? 15 ሌሚሶስ ኢሲ ኢሻይ ዎይኮ ኢሲ ሚቹያ ካሎቴኮኔ ኡንታው ሚያባይ ዳዩኮ፥ 16 ሂንቴፌ ኢሲ አሲ ኡንታኮ፥ «ሳሮ ቤቴ! ታማ ካዩቴ! ካሊዲ ሚቴ!» ጊዲ፥

2:8 ሌቄ 19:18      2:11 ኬሳ 20:13-14፤ ዛሬ 5:17-18

ኮሺያባ ኤንታው ኢሞና ኢዲኮ ኤንታ አይ ማዲ? 17 ሄሳ ጊሾ፥ አሶይ ባይና አማኖይ ባርካ ሃይቂዳይሳ።

18 ሺን ኢሲ አሲ፥ «ኔው አማኖይ ዴዔስ፤ ቃሲ ታው አሶይ ዴዔስ። ኔኒ ኔ አማኑዋ ኔ አሱዋፕ ሻካዳ ታና ቤሳ፤ ታካ ታ አማኑዋ ታ አሱዋን ኔና ቤሳና» ጋና። 19 ኔኒ፥ ኢሲ ያሳይ ዴዔይሳ አማኖሳ፤ ሄሲ ሎዎ። ቱና አያናቲካ አማኖሶና፤ ያሻን ኮኮርሶና።

20 ኔኖ ኤያው! አማኖይ አሶፕ ሻኬቲዲ ማዶናይሳ ኤራናው ኮያይ?

21 ኑ አዋ አብራሃሜይ፥ ባ ናዓ ዩሳቃ ያርሾ ቤሳ ቦላ ዎሲዳ ዎዴ ባ አሱዋን ያሊቤኔ? 22 ኢያ አማኖይ ኢያ አሶይ ኢሲፌ አሲዳይሳ ቤዒኪ? ኢያ አማኖይ ኢያ አሱዋን ፖሌቲስ። 23 ጌሻ ማፃፋይ፥ «አብራሃሜይ ያሳ አማኒስ። ያሳይ ሄሳ ኢያው ያሎቱሲ አሲዲ ታይቤስ» ጊዳይሲ ፖሌቲስ። ቃሲ ኢ ያሳ ዳቦ ጌቲቲዲ ዩጌቲስ።

24 አሲ አማኖ ፃላላን ጊዶናሺን አሶን ያሊይሳ ቤዓሳ።

25 ሄሳዳካ፥ ላይሚያ ራዓባ ኢስራዔልፕ ኪቲቲዳይሳታ ሞካዳ ሃራ አጌራ ኤንታ ሞይዚዳ ዎዴ ባ አሱዋን ያላቤኪ?

26 ሽምፖይ ሻኬቲዳ አሳቴሳይ ሃይቆ ጊዴይሳዳ፥ አሶይ ሻኬቲዳ አማኖይካ ሃይቂዳይሳ።

3

ኢንፃርሲ ናኅ

1 ታ ኢሻቶ፥ ሂንቴፌ ዳርቲ አስታማሬ ጊዶፖ። ኑ፥ አስታማሬቲ ሃራታፕ አዲያ ፐርዳ ኤካናይሳ ሂንቴ ኤሬታ። 2 ኑ ኡባይ ዳርባን ባሌቶስ። ባ አዳን ባሌቶና አኒካ ባናቴሳ ናጋናው ዳንዳዒያ ፖሎ አሲ። 3 ፓራቲ ኑስ ኪቲታና ሜላ ቢፃላ ባርሲዲ ኑኒ ኮያ ቤሲ ኡባ ኤፎስ። 4 ማርካቤይ ሄሳ ሜላ ጊታ ጊዲሼ ዎልቃማ ጫርኩዋን ሱጌቲኮካ፥ ኢያ ላጌይሲ ባ ኮያ ቤሲ ዛሪዲ ላጊያ ጉሳ ሚሳን ላጌቲዲ ቤስ። 5 ሄሳዳ ኢንፃርሲ አሳቴሳ ጊዶን ጉሳ ጊዲኮካ ዳር ጊታባን ጩቁቲስ።

ጉሳ ታሚ ዳር ጊታ ዎራ ፀጌስ። 6 ኢንፃርሲ ታማ ሜላ። ኢንፃርሲ ኑ አሳቴሳ ጊዶን ኢታን ኩሚዳ አላሜ፤ አሳቴሳ ኡባ ቱኒሴስ። ጋናሜፕ ኬያ ታማዳ ኑ ዴዑዋ ዎሳ ኡባ ፀጌስ። 7 ዶዓታኔ ካፎታ፥ ኡሎራ ጎሼቴይሳታኔ አባን ዴዒያ ሜዴቴሳታ ኡባ አሲ ሃራስ፤ ኤንቲካ ሃራቲዶሶና። 8 ሺን አኒካ ኢንፃርሲ ሃራናው ዳንዳዒቤና። ኢንፃርሲ ዎዲያ ማርኬይ ኩሚዳ ሃራቶና ኢታ ሜዴቴሴ። 9 ኑ ኢንፃርሳን፥ ኑ፥ ጎዳኔ ያሳ ጋላቶስ። ቃሲ ኢያራ ያሳ ሌሚሶን ሜዴቲዳ አሳ ቃንጎስ። 10 ኢሲ ዶናፕ ጋላቲኔ

2:21 ሜዴ 22:1-14 2:23 ሜዴ 15:6፤ 2ታሪ 20:7፤ ኢሳ 41:8 2:25 ኢያ 2:1-21

ቃንጌሊ ከዮስ። ታ ኢሻቶ፥ ሄሳዳ ሃናናው ቤሴና። 11 ፑልቶይ ኢሲ አላፌ ማልዲያ ሃሊኔ ጫሚያ ሃሊ ፑልታናው ዳንዳዲ? 12 ታ ኢሻቶ፥ ባላሴ ሚሊ ሻማሆ አይፋናው ዳንዳዲ? ዎይኮ ዎይኔ ሚሊ ባላሴ ሚላ አይፌ አይፋናው ዳንዳዲ? ጫሞ ሃላፌ ማልፆ ሃሊ ከያናው ዳንዳዲና።

**ሳሎ ጨንጫቴሳኔ ሳዓ ጨንጫቴሳ**

13 ሂንቴ ጊዶን ጨንጨኔ አከካንቾይ አኔ? ባ ሎፆ ደዑዋ፥ አሽኬቴሳኔኔ ጨንጫቴሳን አሴቲዳ አሶን ቤሶ። 14 ሺን ሂንቴ ዎዛናን ጫሚያ ቃናቴይኔ ባና ዶሶይ ደዒኮ ጩቁቶፊቴ፤ ቱማ ቦላ ዎርዶቶፒቴ። 15 ሄሳ ሜላ ጨንጫቴሳይ ሳሎፕ ዩዳባ ጊዶናሺን ሄሲ አሳባ፥ አላሜባ፥ ዓላሄባ። 16 ቃናቴይኔ ባና ዶሶይ ደዒያ ሶን አሺኔ ኢታ አሶ ኡባይ ደዎሶና። 17 ሺን ቦላፌ ያ ጨንጫቴሳይ ኡባፌ ሲንሴ ጌሺ። ቃሲ ሳርቴሳ፥ አዳቴሳ፥ ሲዒዲ ኤኬይሳ፥ ቃዴቴይሳ፥ ሎፆ አይፌይ ኩሚዳይሳ፥ አሴ ሻኮናይሳኔ ጩቦቴሳ ባይናይሳ። 18 ሳርቴሳ ዶሴይሳቲ ሳርቴሳ ዜሪዲ ዒሎቴሳ ቡጮሶና።

**4**

**ሃ አላሚያራ ዳቦቶፒቴ**

1 አሺኔ አሊ ሂንቴ ጊዶ አዉፕ ዩ? ኤንቲ ዩይ ሂንቴ አሳቴሳ ሃራናው አሴቲያ ሂንቴ አሾ አሙዋፕ ጊደኔዮ? 2 ሂንቴ አሞቴታ፥ ሺን ደዔኬታ፤ ሄሳ ጊሾ፥ ዎዴታ። ሚንሊ ኮዩታ፥ ሺን ደማናው ዳንዳዲኬታ፤ ሄሳ ጊሾ፥ አዩቴታኔ አሴቴታ። ሂንቴ ያሳ ዎሶና ጊሾ ኮያባ ደዔኬታ። 3 ሂንቴ ዎሴታ፥ ሺን ደዔኬታ። 4 ሂንቴና፥ ሳይማቴይሳቶ! ሃ አላሚያ ዶሴይ ያሳራ ሞርኬ ጊደይሳ ኤሪኬቲ? ሃ አላሚያራ ዳቦታናው ኮዩይ አኒካ ያሳራ ሞርኬ። 5 ጌሻ ማፃፋይ፥ «ያሳይ ኑናን ዳና ሜላ አሊዳ አያናይ፥ ኑኒ ኢያው ቡዞ ጊዳና ሜላ አሞቴስ» ጊዳይሳ ጮ ጊዳባ ዳኒ? 6 ሺን ጌሻ ማፃፋይ፥ «ያሳይ አቶራንቾታ ኢዒስ፥ ሺን ባንታና ካዉሼይሳታስ ማርቴሳ ኢሜስ» ያጊያ ጊሾ ያሳይ ማርቴሳ ዳርሲዲ ኢሜስ።

7 ሄሳ ጊሾ፥ ያሳስ ሃራቴቴ፤ ዓላሂያራ ኤቁቴቴ፤ ኢ ሂንቴፌ ሃካና። 8 ያሳኮ ሺቁቴ፤ ኢ ሂንቴኮ ሺቃና። ሂንቴና፥ ናጋራንቾቶ፥ ሂንቴ ኩሺያ ሜጩቴቴ፤ ናምዑ ቆፊ ደዔይሳቶ፥ ሂንቴ ዎዛና ጌሺቴ። 9 ካዮቴቴ፥ ዩኪቴኔ አፉዒቴ። ሂንቴ ሚቻይ ዩሆን፥

3:10 ሜዴ 1:26 4:6 ሌሚ 3:34

ሂንቴ ኡፋይሳይ አዛኖን ላሜቶ። 10 ጎዳ ሲንሳን ሂንቴናቴሳ ካወሸቴ፤ ኢ ሂንቴና ዶቁ ዶቁ አሳና።

**አሳ ቦላ ፐርዶፊቴ**

11 ታ ኢሻቶ፣ ኢሶይ ኢሱዋ ዘጊርፐቴ። ባ ኢሻ ዘጊሬይኔ ኢያ ቦላ ፐርዶይ ሂን ዘጊሬሲኔ ሂን ቦላ ፐርዶስ። ኔኔ ሂን ቦላ ፐርዶኮ ሂን ቦላ ፐርዶይሳ ጊዳሳፔ አቲን ሂን ፖሌይሳ ጊዳካ። 12 ሂን ኢሜይኔ ፐርዶይ ሶሳ ዓላላ። አሻናዉኔ ዳይሳናው ዳንዳዔይ ኢያ። ያቲን፣ አሳ ቦላ ፐርዶያ ኔኔ አኔ?

**ጨቁቶፊቴ**

13 ሂንቴ፣ «ኑኒ ሃቺ ዎይኮ ዎንቶ ያ ካታማ ዎይኮ ሃ ካታማ ባና፤ ያን ላይሲ ኡታና፤ ዛልዲ ዎዲሳና» ያጌይሳቶ፣ ሲዲቴ። 14 ዎንቶ አይሲ ሃናኔኮ ሂንቴ ኤሬኬታ። ሂንቴ ዴዎይ ዋናኔኮ ኤሬይ አኔ? ሂንቴ ጉሳ ዎዴ ቤንቲዲ ዳያ አካ ሜላ። 15 ሄሳ አጊዲ፣ «ጎዳይ ጊኮ ኑኒ ዳና፤ ሃይሳ ዎይኮ ሄሳ አሳና» ያጋናው ቤሴስ። 16 ሺን ሂንቴ ሃዲ ኦቶርቴታኔ ጨቁቴታ። ሄሳ ሜላ ጨቆ ኡባይ ኢታ።

17 ሄሳ ጊሾ፣ ሎዎባ አሳናው ኤሪሼ አሶና ኡራስ ሄሲ ናጋራ።

5

**ዱሬታስ ኢሜቲዳ ዞሬ**

1 ሂንቴና፣ ዱሬቶ፣ ሂንቴ ቦላ ኢታ ሜቶይ ያ ጊሾ ዩኪቴኔ ዜሌሊቴ። 2 ሂንቴ ሻሎይ ቡቁስ፤ ሂንቴ አሬላይካ ቢላን ሜቴቲስ። 3 ሂንቴ ዎርቃይኔ ሂንቴ ቢራይ ሺዲስ። ሄ ሺዓይ ሂንቴ ቦላ ማርካ ጊዳና። ኢ ሂንቴ አሳቴሳ ታማዳ ማና። ሂንቴ ሃ ዉሪዳ ቃማታን ሂንቴው ሻሎ ዳጋዬታ። 4 ሂንቴ ጋዴን አሲ ፔዲዳ አሳ ኬራ ሚሺያ ቃንዲኬታ። ሄሲ ሂንቴ ቦላ ዋሴስ። ሄ አሳታ ዋሶይ ዎልቃማ ጎዳ ሃይሳን ሲዔቲስ። 5 ሃ ሳዓን ሂንቴ ኡሎ ዓላላስ ቆፐዲ፣ ኢንጂን ዴዲዴታ። ሹካስ ጊጌቲዳ ሜሄዳ ሂንቴና ዲኪዴታ። 6 ሂንቴራ ኤቁታናው ዳንዳዎና ዒሎ አሳ ቦላ ፐርዶይዴታ፤ ኢያ ዎዲዴታ።

**ጌንጫኔ ዎሳ**

7 ታ ኢሻቶ፣ ጎዳይ ያና ጋካናው ጌንጫቴ። ጎሻንቾይ ቶርቼ ኢራይኔ ሲላ ኢራይ ያና ጋካናው ጌንጫዲ አልዎ ካሳ ናጊዲ ዋቲ ጋሲ ኤኪያኮ ቆፐቴ። 8 ሄ ጎሻንቾዋዳ ሂንቴካ ጌንጫቴ። ጎዳ ዩሳይ ማታቲዳ ጊሾ ኡፋይሳን ናጊቴ።

9 ታ ኢሻቶ፥ ያሳይ ሂንቴ ቦላ ፐርዶና ሜላ ኢሶይ ኢሱዋ ቦላ ዙዙዋፊቴ። ፐርዶይሲ ፔንጌን ኤቁስ። 10 ታ ኢሻቶ፥ ዋያን ጌንጫዳ፥ ጎዳ ሱንሳን አዲዳ ናቤታ ሌሚሶ አሲዲ ኤኪቴ። 11 ዳንዳዓን ጌንጫዳይሳታ ኑኒ አንጄቲዳይሳታ ጎስ። ኢዮቤይ ዋኒዲ ጌንጫዳኮ ሂንቴ ሲዒዴታ። ጎዳይ ወርሴሳን ኢያ ዋቲ ማዲዳኮ ቤዒዴታ። ኢ ማርቲኔ ቃዴይ ኩሚዳ ጎዳ ጊዲያ ጊሾ ሄሳ አሲስ።

12 ሺን ኡባፌ ሲንሴ፥ ታ ኢሻቶ፥ ሳሎዋን ጊዲን ዎይኮ ሳዓን ጊዲን ዎይኮ ሃራ አይቢንካ ጫቆፊቴ። ያሳ ፐርዳን ሂንቴ ጌሎናዳ ሂንቴ አዳይ ኤ ጊዲኮ፥ «ኤ» ጊቴ፤ አካይ ጊዲኮ፥ «አካይ» ጊቴ።

13 ሂንቴ ጊዶን ሜቶ ኤኪያ አኒካ ዴዒኮ ያሳ ዎሶ። ኡፋይቲያ አኒካ ዴዒኮ ጋላታን ዩዎ። 14 ሂንቴፌ ሃርጌቲያ አኒካ ዴዒኮ ዎሳ ኪሳ ጫማታ ዩጎ። ኤንቲ ጎዳ ሱንሳን ሻማሆ ዛይቴ ቲዩዲ ኢያው ያሳ ዎሶ። 15 አማኖን ዎሲዳ ዎሳይ ሃርጋንቹዋ ፓሳና። ጎዳይ ኢያ፥ ሃርጊያፌ ዴንሳና፤ ኢ ናጋራ አሲዳባ ጊዲኮካ ጎዳይ ኢያ ማራና። 16 ሄሳ ጊሾ፥ ሂንቴ ፓፃና ሜላ ሂንቴ ናጋራ ኢሶይ ኢሱዋስ ፓዒቴኔ ኢሶይ ኢሱዋስ ዎሲቴ። ጊሎ አሳ ዎሳይ ዎልቃማ አሶ አሴስ። 17 ኤሲያሲ ኑ ሜላ አሴ። ኢሪ ሳዓን ቡኮና ሜላ ሚንሲዲ ያሳ ዎሲን ሄሹ ላይሲኔ ኡሱፑን አጌና ሳዓን ኢሪ ቡኪቤና። 18 ዛሪዲ ኢ ያሳ ዎሲን ሳሎፔ ኢሪ ቡኪስ፤ ሳዳይካ ካሲ ዋኪስ።

19 ታ ኢሻቶ፥ ሂንቴፌ አኒካ ቱማ አጊያፔ ቡቲኮ፥ ሃራይ ኢያ ቱማኮ ዛሪኮ፥ 20 ናጋራንቹዋ ኢያ ባላ አጊያፔ ዛሪያ አኒካ፥ ኢያ ሼምፑዋ ሃይቆፔ አሼይሳኔ ኢያ ዳሮ ናጋራስ ማርታ ኢሜይሳ ኤሮ።

---

5:11 ኢዮ 1:21-22፤ 2:10፤ ማዝ 103:8      5:12 ማቶ 5:34-37      5:17 1ካዎ 17:1፤ 18:1      5:18 1ካዎ 18:42-45      5:20 ሌሚ 10:12፤ 1ጴጌ 4:8

አራሳ ጫቁዋ ጎፋሳ  
New Testament in Gofa

copyright © 2011 Wycliffe Bible Translators, Inc.

Language: Gofa

Translation by: Wycliffe Bible Translators, Inc.

### Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gofa

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

---



